

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za strateško planiranje, upravljanje projektima,
komunalne djelatnosti, vode i zaštitu okoliša

Broj: 04/2-21- 29/21

Bihać, 10.06.2021. godine

Na osnovu člana 52. tačka b) Statuta Grada Bihaća (“Službeni glasnik Grada Bihaća”, broj: 13/15 i 13/18) i člana 183. stav (2) Poslovnika Gradskog vijeća (“Službeni glasnik Grada Bihaća”, broj: 3/16, 4/20), Gradonačelnik u svojstvu predlagača propisa i drugih akata:

O d r e đ u j e

Izvjestioca: Vildanu Zulić, pomoćnika gradonačelnika za strateško planiranje, upravljanje projektima, komunalne djelatnosti, vode i zaštitu okoliša, na sjednici Gradskog vijeća i radnim tijelima po prijedlogu tačke dnevnog reda:

Prijedlog Zaključka
o izražavanju interesa za učešće u Projektu općinskog okolišnog i ekonomskog
upravljanja (MEG), Faza II

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Služba za strateško planiranje, upravljanje projektima,
komunalne djelatnosti, vode i zaštitu okoliša

Broj: 04/2-21-29/21

Bihać, 10.06.2021. godine

Gradsko vijeće Bihać

- ovdje -

PREDMET: Prijedlog Zaključka o izražavanju interesa za učešće u Projektu općinskog okolišnog i ekonomskog upravljanja (MEG), Faza II, dostavlja se

Na osnovu člana 52. stav (1) tačka b) Statuta Grada Bihaća ("Službeni glasnik Grada Bihaća", broj: 13/15, 13/18) dostavljamo Prijedlog Zaključka o izražavanju interesa za učešće u Projektu općinskog okolišnog i ekonomskog upravljanja (MEG), Faza II, na daljnje razmatranje i usvajanje:

Pravni osnov za donošenje:

Pravni osnov za donošenje Prijedloga Zaključka o izražavanju interesa za učešće u Projektu općinskog okolišnog i ekonomskog upravljanja (MEG), Faza II, sadržan je:

- u članu 35. stav (1) tačka c) Statuta Grada Bihaća ("Službeni glasnik Grada Bihaća" br. 13/15, 13/18) kojim je utvrđeno da Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi za donošenje:

Razvojni Program Ujedinjenih nacija (UNDP), dana 08.06.2021. godine dostavio je Otvoren poziv za učešće u drugoj fazi Projekta općinskog okolišnog upravljanja (MEG II) svim jedinicama lokalne samouprave koje su učestvovala u prvoj fazi MEG projekta, od kojih će deset partnerskih jedinica lokalne samouprave koje su ostvarile najbolji napredak i rezultate u svim ključnim oblastima djelovanja prve faze MEG projekta imati priliku da učestvuju u implementaciji i druge faze MEG Projekta. Kako je Grad Bihać u proteklom periodu bio uključen u Projekat općinskog okolišnog i ekonomskog upravljanja (MEG) te je po istom značajno unaprijedio kapacitete Grada Bihaća i JP Vodovod d.o.o. Bihać, gdje je obezbjeđena pomoć u primjeni kvalitetnih javnih politika i upravljanja procesima, na način da je osposobljen da na moderan, transparentan, efikasan i efektivan način bude servis građanima u

procesu donošenja odluka iz oblasti ekonomije i zaštite okoliša. Iz svega navedenog proizašle su brojne aktivnosti, a najznačajnije su:

- Pripremljen i potpisan Ugovor o pružanju javnih vodnih usluga između Grada Bihaća i JP Vodovod d.o.o. Bihać.
- Grad Bihać je na osnovni Ugovor o pružanju javnih vodnih usluga na području Grada Bihaća u oktobru 2020. godine usvojio Aneks 1 Ugovora kojim je usvojena nova Metodologija za određivanje cijena vodnih usluga: vodosnabdijevanja, odvodnje i prečišćavanja otpadnih voda.
- Na osnovu usvojene Metodologije za određivanje cijena vodosnabdijevanja, odvodnje i prečišćavanja otpadnih voda Grad Bihać je početkom februara 2021. godine pokrenuo proceduru izrade Odluke o davanju saglasnosti na tarifni sistem i cijene individualne komunalne potrošnje snabdijevanja pitkom vodom, odvodnje i prečišćavanja otpadnih voda.
- Donesen je novi Pravilnik o organizaciji i sistematizaciji radnih mjesta u kojem je jasno definirao poslove i zadatke, odnosno obaveze koje gradska Služba za strateško planiranje, upravljanje projektima, komunalne djelatnosti, vode i zaštitu okoliša ima obavezu da provodi prema postojećim propisima višeg reda (Zakon o principima lokalne samouprave, Zakon o komunalnim djelatnostima, Zakon o vodama itd.), kao i obaveze praćenja implementacije Ugovora o pružanju javnih vodnih usluga. Ovim Pravilnikom su u spomenutoj Službi u njenim ključnim funkcijama jasno i precizno sistematizirana radna mjesta posebno sa aspekta organizacije pružanja javnih vodnih usluga.
- Gradsko vijeće Grada Bihaća usvojilo je Program subvencioniranja socijalno ugroženih kategorija stanovništva kao i Odluku o subvencioniranju dijela troškova komunalnih usluga vodosnabdijevanja, odvodnje i prečišćavanja otpadnih voda. Broj korisnika navedene usluge se svake godine povećava tako da pravo na ostvarenje subvencioniranja vodnih usluga trenutno ostvaruju 74 socijalno ugrožena lica.
- Gradska Komisija za popis i identifikaciju neuknjiženih stalnih sredstava kojima upravlja JP „Vodovod“ d.o.o. Bihać pokrenula je proceduru popisa neuknjiženih stalnih sredstava za izgrađenu komunalnu infrastrukturu.
- Grad Bihać redovno i u kontinuitetu šalje svoje kadrove na obuke vezane za upravljanje javnim vodnim uslugama.
- Prema ranije usvojenim Odlukama upravljačke strukture JP „Vodovod“ d.o.o. Bihać, isto je nastavilo proces smanjenja troškova posebno po osnovu zaposlenih, neprihodovane vode i energetske efikasnosti. Plan smanjenja troškova predstavlja srednjoročni prioritet za gradsku upravu i JP „Vodovod“ d.o.o. Bihać.

Poziv za učešće u drugoj fazi Projekta općinskog okolišnog upravljanja (MEG II) je otvoren do 25.06.2021. godine.

Kako je kod prijave za učešće u Otvorenom pozivu potrebno dostaviti potpunu dokumentaciju, gdje se između ostalih, traži i dostavljanje Pisma namjere i Zaključka

Gradskog vijeća kojim se izražava interes za učešćem u realizaciji druge faze Projekta općinskog okolišnog upravljanja (MEG II) u periodu od 2021. godine do 2025. godine, isti vam dostavljamo na razmatranje i usvajanje.

Finansijska sredstva:

Za usvajanje navedenog prijedloga potrebno je obezbjediti finansijska sredstva (sufinansiranje u iznosu najmanje 60% buduće vrijednosti zajedničkih infrastrukturnih projekata (kao dio Pisma namjere).

Prilog:

1. Otvoren poziv za učešće u drugoj fazi Projekta općinskog okolišnog upravljanja (MEG II)
2. Nacrt Pisma namjere
3. Zaključak o izražavanju interesa za učešće u Projektu općinskog okolišnog i ekonomskog upravljanja (MEG), Faza II

Obrađivač:
Fatima Pečenković

Gradonačelnik
Šuhret Fazlić

Na osnovu člana 35. stav (1) tačka c) Statuta Grada Bihaća ("Službeni glasnik Grada Bihaća" broj: 13/15, 13/18) i člana 132. stav (1) tačka a) Poslovnika Gradskog vijeća Bihać ("Službeni glasnik Grada Bihaća" broj: 03/16, 4/20), Gradsko vijeće Bihać, na _____ sjednici održanoj dana _____2021. godine, d o n i j e l o j e:

Z A K L J U Č A K

I

Grad Bihać izražava interes i spremnost za učešće u Projektu općinskog okolišnog i ekonomskog upravljanja (MEG), Faza II kao partner i da aktivno učestvuje u realizaciji Projekta općinskog okolišnog upravljanja (MEG), Faza II u periodu od 2021. godine do 2025. godine.

II

Ovaj Zaključak stupa na snagu osmog dana po objavljivanju u "Službenom glasniku Grada Bihaća".

Gradsko vijeće
Broj: _____/21
Bihać, _____2021. godine

Predsjedavajući Gradskog vijeća
Zulfikar Handukić

Sarajevo, 08.06.2021.god.

PREDMET: Otvoren poziv za učešće u drugoj fazi Projekta općinskog okolišnog upravljanja (MEG II)

Poštovani gradonačelnici i načelnici,

Posebno mi je zadovoljstvo pozvati Vas i Vašu jedinicu lokalne samouprave (JLS), da se prijavite za učešće u drugoj fazi MEG projekta (MEG II). Ovaj poziv je upućen svim JLS koje su učestvovala u prvoj fazi MEG projekta, od kojih će 10 partnerskih JLS koje su ostvarile najbolji napredak i rezultate u svim ključnim oblastima djelovanja prve faze MEG projekta imati priliku da učestvuju u implementaciji i druge faze MEG Projekta.

Poziv će biti otvoren do:

petka, 25.06.2021. god, do 17.00 sati

S tim u vezi, molim Vas da nam dostavite potpunu, niže navedenu dokumentaciju u elektronskoj formi, a uz nju i potpisano i pečatom ovjereno **Pismo namjere** i **Zaključak** gradskog/općinskog vijeća odnosno skupštine grada/opštine (skenirano uz ostalu dokumentaciju), sve poštujući gore navedeni rok.

Original Pisma namjere kao i Zaključka gradskog/općinskog vijeća odnosno skupštine grada/opštine, ukoliko ga imate, potrebno je dostaviti i u printanoj, potpisanoj i pečatom ovjerenom formi u zatvorenoj koverti, putem pošte (preporučeno ili redovnom poštom) najkasnije do 25.06.2021. godine na adresu:

Razvojni program Ujedinjenih nacija u Bosni i Hercegovini (UNDP BiH)

UN House, Zmaja od Bosne bb

71000 Sarajevo, Bosna i Hercegovina

sa naznakom:

MEG II projekat – Za Otvoreni poziv “stare JLS”

MEG II će nastaviti raditi sa najviše 10 JLS iz prve faze MEG projekta. Odabrat će se one JLS koje su ostvarile najbolji učinak tokom dosadašnjih projektnih aktivnosti i koje su dokazale svoju spremnost na predan rad i učešće u pilot aktivnostima MEG projekta, a koje uz navedeno pravovremeno predaju potpunu prijavu, te u potpunosti zadovolje sve niže navedene **minimalne kriterije** potrebne za prijavu i odabir.

Onim JLS koje budu odabrane po osnovu ovog poziva, planira se pružiti podrška Projekta koja će biti slabijeg intenziteta u odnosu na novoizabrane partnerske JLS (jer će iste prolaziti faze koje su vaše JLS već prošle), a koje će biti odabrane putem posebnog Javnog poziva.

Osim toga, 10 JLS po ovom pozivu, imat će i dodatnu, važniju ulogu tokom realizacije MEG II projekta, te će biti predstavljene kao *HUBovi* znanja, spremni da podrže novoizabrane partnere kroz proces mentorstva: pružajući praktične savjete, dijeleći najbolje prakse, naučene lekcije i učešćem u studijskim posjetama drugim JLS (i obrnuto) kao i kroz razmjene uposlenika.

Ovim putem vas pozivamo da svoj interes za učešće u MEG II iskažete dostavljanjem (elektronski i u printanom obliku) sljedeće dokumentacije koja ujedno predstavlja i minimalne kriterije za odabir:

1. **Pismo namjere** (potpisano od strane grado/načelnika i po mogućnosti podržano odgovarajućim zaključkom GV/OV/SG/SO) kojim se iskazuje interes i spremnost uprave, vijeća/skupštine, te vodovoda za aktivno učešće u aktivnostima MEG II projekta. Pismom se jasno izražava motivacija cjelokupnog rukovodstva lokalne samouprave da kontinuirano podržava i provodi agendu dobre lokalne uprave i da aktivno radi na poboljšanju javnih usluga, kao i da osigura adekvatno angažovanje osoblja (uključujući i ono iz vodovodnih preduzeća) kao i odbornika/ica odnosno vijećnika/ica u provedbi projektnih aktivnosti.

Pored toga, kao dio ovih minimalnih kriterija za odabir, sve pozvane partnerske JLS trebaju dostaviti (u elektronskoj formi, putem emaila) i sljedeće:

1. Iskazanu bezrezervnu posvećenost i spremnost JLS za sufinansiranje u iznosu od najmanje 60% buduće vrijednosti zajedničkih infrastrukturnih projekata (kao dio Pisma namjere).
2. Važeću Strategiju razvoja JLS, koja bi trebala vrijediti najmanje do 2024. godine. Iznimno, lokalne samouprave mogu dostaviti dokaz da je u toku produženje/izrada strategije razvoja JLS ili Izjavu grado/načelnika kojom se jasno navodi da će sve aktivnosti na izradi strategije razvoja biti pravovremeno organizirane i dovršene na vrijeme (u slučaju da trenutno važeća strategija ističe u periodu prije 2024.).
3. Najnoviji godišnji izvještaj vodovodnog preduzeća, koji je usvojen od strane GV/OV/SG/SO (za 2020. ili 2019. godinu). Godišnji izvještaj stariji od 2019. godine neće biti prihvaćen kao važeći.

Ukoliko imate pitanja vezanih za prijavu vaše JLS u drugu fazu MEG projekta, molim vas da ih uputite na email registry.ba@undp.org, sa naznakom „za MEG projekat“.

Hvala Vam još jednom na svesrdnom zalaganju tokom provedbe prve faze MEG projekta i nadam se da ćemo našu saradnju u drugoj fazi, dići na još viši nivo.

S poštovanjem,



Goran Štefatić

Rukovodilac MEG II projekta

*Uputstvo: Popuniti samo dijelove pisma označene sivom bojom i odabrati odgovarajuće opcije označene žutom. Pismo je moguće dopuniti i drugim konkretnim aspektima koji govore u prilog motivaciji i predanosti za učešće u implementaciji projekta. Suvišan tekst i uputstva moguće je izbrisati. **Ovaj tekst izbrisati u konačnoj verziji.***

Mjesto i datum: _____

Broj protokola: _____

Projekat općinskog okolišnog upravljanja (MEG II)

Razvojni program Ujedinjenih nacija (UNDP)

Zmaja od Bosne bb, 71000 Sarajevo

PISMO NAMJERE

U ime **Grada/Opštine/Općine** _____, ovim Pismom namjere izražava se interes za učešćem u realizaciji druge faze Projekta općinskog okolišnog upravljanja (MEG II) u periodu od 2021 – 2025. god.

Ovim Pismom namjere izražava se i spremnost **Grada/Opštine/Općine** _____ na:

- uvođenje principa i standarda Okvira dobre lokalne uprave,
- aktivan rad na poboljšanju javnih usluga,
- nastavak implementacije relevantnih aktivnosti iz prve faze MEG projekta,
- pružanje podrške novoizabranim partnerskim jedinicama lokalne samouprave (JLS) kroz proces mentorstva – pružajući praktične savjete, dijeljenje najboljih praksi i naučenih lekcije, te učešćem u studijskim posjetama drugim JLS (i obrnuto) kao i kroz razmjene uposlenika,
- osiguravanje nematerijalne podrške realizaciji Projekta i omogućavanje uposlenicima, uključujući i one iz vodovodnih preduzeća, da učestvuju u aktivnostima i obukama koje budu realizovane u toku Projekta,
- potencijalno sufinansiranje implementacije prioriternih infrastrukturnih projekata identifikovanih u našoj Strategiji razvoja _____ u dva ciklusa tokom realizacije Projekta, i to u procentu od minimalno 60% ukupne vrijednosti predložene intervencije.

Izjavljuje se da **Grad/Opština/Općina** _____ ima trenutno važeću Strategiju razvoja _____. (navesti naziv i trajanje strategije razvoja).

*Iznimno, u slučaju da je Strategija razvoja istekla/ističe prije 2024.god. navesti jednu od sljedećih opcija (suvišne opcije izbrisati). **Ovaj tekst izbrisati u konačnoj verziji.***

- a) Izjavljuje se da su pokrenute aktivnosti na izradi nove ili produženju važeće Strategije razvoja tokom 2021. i kao dokaz dostavlja se _____.
- b) Izjavljuje se da će sve relevantne aktivnosti na izradi Strategije razvoja biti pravovremeno organizirane i dovršene na vrijeme (u slučaju da trenutno važeća strategija razvoja ističe prije 2024.).

U ime **Grada/Opštine/Općine** _____,

S poštovanjem,

Grado/načelnik/ica:

Ime i prezime: _____

Potpis: _____

(M.P.)

Predsjedavajući/ća OV/SO/SG/GV:

Ime i prezime: _____

Potpis: _____

(M.P.)

Direktor/ica vodovodnog/komunalnog preduzeća:

Ime i prezime: _____

Potpis: _____

(M.P.)